


docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華北地方·第三四六號

據 張其昀 抄 本 編 影 印

甘肅省

夏河縣志 (全)



成文出版社有限公司印行



10098512

中華民國五十九年 月壹一版

夏河縣志

全一冊

發行人：**黃 成 助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

甘肅省夏河縣志

張其昀編

目錄

卷之一

地位

地形

卷之二

水系

氣候

卷之三

docsriver 文川网
入驻商家 古籍书城

在文川网搜索古籍书城 获取更多电子书

生物

民族

卷之四

農業

林業

卷之五

畜牧

礦產

卷之六

商業

交通

卷之七

政治

卷之八

宗教

卷之九

歷史

卷之十

丁卯年

目錄

一

(附錄) 有關於夏河縣之參考書

甘肅省夏河縣志卷之一

張其昀

地位

夏河爲甘肅省西南隅之一縣，距省會蘭州二百十公里。縣境東接臨夏（舊河州），東南接臨潭（舊洮州），西北與青海省循化同仁二縣爲鄰，西南方面界線不甚明確，西近黃河河曲，南通四川松潘。舊河洮二州，明

代曾設衛屯墾，行茶馬貿易，稱西陲門戶，而夏河舊爲邊外之地。

本縣自古爲藏族所居，叛服不常，清初又有蒙古族自北侵入其地，致成今日漢蒙藏回四族雜居之現象，但以藏族居最多數。清代名義上屬循化廳，但羈縻之而已。民國十五年始成立設治局，十七年設立縣治，二十三年軍政部設無線電台於此，又勘定三

科乎灘爲飛機場。

大夏河卽水經注之灘水，本縣因河流得名。大夏河發源西傾山，與洮河上源甚近，在本縣境內多成峽谷，中流至臨夏縣，始有局部平原，下游至永靖縣入黃河。大夏河僅有木筏下駛，不通航運。自夏河縣治至臨夏縣治計一百二十公里，卽沿大夏河而行，山峻水瀉，林木蒼蔚，風景絕佳。

除大夏河谷以外，大都爲三千公尺以上之高原，氣候高寒，植物上屬於草原帶。大夏河河谷較低，縣治卽拉卜楞寺所在地，海拔二千九百五十公尺，縣治位於河之北岸，平地寬僅六百公尺。此壩子藏名曰扎西溪。藏民、俗稱番子、大都以畜牧爲生，住黑色帳房，營游牧族之生活，在谷地中兼有務農種青棵者。

拉卜塲係藏名，正譯應曰拉章，係王府或公府之意，謂活佛辦事處也。拉章之名本不限於一地，如專指此處，可稱曰拉章扎西溪。拉卜塲寺建於康熙四十七年（一七〇八），距今已二百二十餘年。乾隆四十二年（一七七七）賜額曰慧覺寺，其活佛曰嘉木樣呼圖圖克，世有小達賴之稱。拉卜塲爲一宗教都市，寺僧三千

規模宏大，金碧輝煌，爲喇嘛教聖地之一，與青海西甯之塔爾寺，聲勢相埒，儼然爲西北藏族之一信仰中心，游牧族以喇嘛寺爲集中互市之地，故拉卜塲又爲漢藏貿易之中心，出口以牲畜皮毛爲主，進口以糧食茶葉爲主。夏河縣實依寺院而成立，故拉卜塲之名尤著。

嘉木樣係人名，藏名正譯應曰嘉

樣協巴（本縣甘家灘人，全國經濟委員會現設西北畜牧改良場於甘家灘，即其地。嘉木樣曾至西藏，居拉薩四十年，其在宗教上之地位，稱宗喀巴後一人。康熙四十七年應蒙古王公之請回里建寺，爲開山之祖，其後轉世化生（藏語呼必勒罕），今爲第五世。

最近國民政府封嘉木樣第五世爲

輔國闡化大師，大師爲西康理化縣人，藏民信仰之甚篤。今縣治雖已成立，實際縣長權力殆限於縣治所在，至統治藏民尚須借嘉木樣之力行之。拉卜塲保安司令部於民國二十二年成立，係舊番兵司令改稱，有騎兵三千，皆藏民。司令黃正清君卽第五世嘉木樣之胞兄。

拉卜塲寺組織甚爲嚴密，分二大

部，拉章爲辦事處，扎西溪爲寺本部，亦曰磋經，意卽大聚會所。其下分設五學院，寺內藏經極富，頗多積學高僧，其性質爲一宗教大學。僧徒籍貫自東省蒙古青海西康之人皆有之，漢人亦有入寺爲喇嘛者。今欲溝通漢藏文化，此實爲樞紐要地。

本縣面積約三千三百方公里，人口約三萬四千，人口密度每方公里十

人。可耕地約佔全縣面積百分之五十，已耕地約佔全縣面積百分之二十，可耕而已耕之荒地約五十四萬畝。按每戶耕地四十畝計，尚可供一萬三千五百戶。目前漢回民族大都居於縣治，以經商爲業，縣治人口（喇嘛寺除外）二千六百人。

地形

夏河縣治海拔約二千九百公尺，

docsriver 文川网
入驻商家 古籍书城

在文川网搜索古籍书城 获取更多电子书

吾人若自河谷升至山巔，則四望廓然，恍如平原，有坦坦蕩蕩之觀，縱馬長驅之樂。雖亦有低緩邱陵，形如海浪，其高崗皆在同一水平線上，海拔約三千五百公尺，此即高原之形勢也。高原傾斜極緩，又稱侵蝕平原，在地理上已達老年時期。

高原因大夏河之中貫，垂直侵蝕之力甚為深刻，造成風景壯美之河谷

，在谷中旅行，但覺急水高山，地形殘破，岩壑雄奇，初不知其上有完整之高原。大夏河河谷極窄，沖積地寬者僅六七百公尺，狹處則兩崖緊湊，僅容一河，自土門關至拉卜塆，一路皆是幽谷。

大夏河上游峽谷交錯，與岩石性質有關，如砂岩頁岩較易侵蝕，谷勢稍為開朗，如拉卜塆附近是，若遇堅

硬之石灰岩花崗岩，則束水成峽，湍流奔瀉，極爲險峻。如山堂與沙溝寺間花崗岩所成之峽谷，水漲時幾無路可通。山谷多有森林，滿目葱蘢，與清流相映帶，風光至佳。

大夏河上游並無廣大之平川，惟在溪間入正流處，因支流速度驟減，沙礫沉積，往往成爲冲積扇。當地所見之少數平川，（或稱壩子）多由冲

積扇連綴而成，其地勢略爲傾斜，不甚平坦，與一般沖積平原稍異。拉卜楞寺卽位於此類沖積扇上，本寺建築成長方形，東西長而南北狹，地勢使然也。

沿大夏河西岸之山坡，常見較高而平之台地，地文學上稱爲階級地，當地或稱爲坪，或稱爲原。考其成因爲舊時河岸之遺跡，高出近代河床約

三十至五十公尺，台地上部爲黃土所覆，厚達二十餘公尺，下部爲礫石層所成。此種地形在拉卜塆附近無線電台之後，發育甚完好，其上或爲村落，或爲耕地。

高原之上，常有局部盆地，縱橫數里，當地名之曰灘，又稱甸子，如甘家灘三科乎灘等是。丘陵環列，谷廣坡平，流泉縈繞，水草鮮美，爲藏

民天然牧場，農墾當亦有望。其中排水不良之處，則成洳濕窪地，淤泥沒足。甘家灘在拉卜楞西北五十里，捏貢川（大夏河支流）縱貫其間，乾隆年間兵部曾議屯墾，有案可稽。

高原牧草青草，植物年生年腐，有機質堆質較富，故土壤色澤較深，土壤學家稱此區爲黑鈣土區域，其肥沃可與俄國有名黑土帶相比，極適農

業。但地勢在三千公尺以上，氣候寒冷。作物生長時期甚短，農業大受限制。高原民族仍以游牧爲生計，即欲實行農墾，亦僅能種植早熟之青稞。夏河高原爲青海大草原之東端，高原之邊緣成爲峻阪，自下仰望，則雲嶺嵯峨，如插翠屏，即白石山脈是也。白石山脈在臨夏循化二縣間，稱大耳加山，海拔三六〇〇公尺，爲

甘青二省省界，南下至土門關附近，折而東行，入和政寧定臨潭諸縣境，綿延四百餘里，隨地異名，有太峙蓮花諸名。主峯在和政西南五十里，海拔約四十公尺，和政海拔二〇〇〇公尺，岩石突兀，亦稱露骨山，自和政上升，攀援峻坂，山徑崎嶇，但越嶺西南行，則下降極緩，是即高原草地。

西傾山之名見於禹貢，藏名疊桑巴山，在夏河西南百餘里，海拔五千餘公尺，山坡牧草茂生，山巔積雪皚皚，洮河源出其東，大夏河源出其北，西傾西連積石，大積石山海拔六千餘公尺，東連岷山秦嶺伏牛諸脈，自西至東，橫貫中國，稱爲東崑崙山脈，卽江河二大流域之分水嶺。在民族上觀之，白石山亦極重要，此爲漢藏

民族之界線，白石山上之草原，至今
仍爲藏民區域，地形影響於人文，其
著例也。

甘肅省夏河縣志卷之二

張其昀

水系

今之大夏河實古之灘水，灘水入黃河，大夏河入洮，水經注界限極清，均在故河州境。自明一統志誤灘水爲大夏河，民國於拉卜塆設夏河縣，改導河縣爲臨夏縣，一誤再誤，遂致名實混淆，已難復改。古之大夏河乃

今之廣通河，源出白石山，經和政寧定二縣入洮河。灘水舊志亦稱白水，藏名松渠 (Sang Chui)。

大夏河源出拉卜塆西南四十公里，西傾山北麓，因所經地形之不同，又可分爲三段，自拉卜塆三科乎灘以南，卽上述之高原草地。自拉卜塆出土門關，卽上述之峽谷地帶。出土門關始入臨夏平原，（臨夏縣治海拔一

docsriver 文川网
入驻商家 古籍书城

在文川网搜索古籍书城 获取更多电子书

八〇〇公尺。惟冲積平原尚不及階級
坪地之廣。即著名之臨夏北原，一
名萬頃原，大夏河大致自西南而東
北，經臨夏城南始折而北流，在臨夏
東北七公里處，尚有洩湖峽，故雖至
下游，水勢尚速，水色亦清，至永靖
城東入於黃河，全長約一百五十公里
。洮河長五二〇公里。
大夏河右岸支流以噶河爲最大，

源出本縣黑錯附近，北行至沙溝寺（在拉卜塆東六十里）附近匯入正流。左岸支流以捏貢川爲最大，源出甘家灘附近，東行至橋溝（在沙溝寺東六十里，土門關西四十里）匯入正流。甘家灘（一名甘家川）乾隆六年（一七四一）兵部會議開辦屯田，惜未果行。其地南北經長三十餘里，東西寬二三里至七八里不等。兵部原奏云：